

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشد .

ممالك اجنبیه ده سنه لکی (۱۷)، الق
آیلر (۹) فرانقدر .

اداره خانه

باب عالی جاده سیده دائرة مخصوصه

اضطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه یازیلر احاطه
اولونغاز .

تذکره

۱۳۳۰

اضطارات

رساله مزیدن آیدیمکی کو-تیرمک شرطیه
بتون یازیلر هر هانکی بر غزنه طرفندن
اقتباس اولونه بیلیر .

§

مکنویلرک، امضالرک و ضح و اوقوناقلی
اولمسی و آبونه صره نومروسی محتوی
بولونمسی لازمدر .

§

ممالك اجنبیه ایچون آبونه اولانلرک
آدرس لریشک هر انسزجه ده یارلمسی و جا
اولنور .

§

پاره کوندرلدیکی، ان نه یه د ثراولدیغیمک
راضعا بیلدیلمسی و جا اولنور .

ینه هلالی کورسین سجاد جلوه نمون .
هلال او بکزه مزه اصلا صلیه .. عالیدر .
هلال او زبده تاریخ برمالیدر .
سنگ شو قارتالک البت هلاله دک اوچه ماز ،
اپیر یاماچلرینی بر قاریش بیله کچه مز !
یشدی لاشه اسکندری ده بی پروا ..
صاقین بو لاشه بین قارتاله سن آلدانه !
حقیقی نه کوزل سویله مش باقیک امثال :
فنا بولور ، یاشاماز جوق بو مفترس قارتال !

ناجی

هنگامی

هندستانه خبار فخر صمدیه :

مدراس شهری

هندستانه بمکری :

هندیلر بمکری دایما افراط درجه سنده یاغلی ، بهاری ، بیبرلی یرل .
یمکه اوقدر یاغ ، بهار و بیبر قاتارلرکه ، ات و سبزه ماهیت اصلیه سنی غائب ایدر .
براقه لقا اته لا اقل یوز درهم بیبر ، یوز درهمه بهار قاتارلر . بهارده اردو
لسانیه (مصالح) دیرلر .
بوقدر حار اولان بریمکی یمک بزم ایچون غیر قابلدر . چونکه لقمه آغز
یردن اینر اینر کوزلر من یشارمغه باشلار . بیبرلی بمکری ییهن کیمسه لک
معقدلری ده یاغغه باشلارکه عذاب الیمدن بشقه برشی دکدر .
هندیلرک کوزل زرده پلاوی ایله آکا مائل طاتلی بمکری واردرکه ،
حد ذاتده یمک نفیس اولدینی حالد افراط درجه سنده یاغلی پیشیرلدیکی جهته
بزم ایچون آغیر برشی تشکیل ایدر .
بزلر بو بمکری بیرسه ک ، هر حالده ایرتسی کونی مطلقا برمهیل علاجی آلوب ،
معدمه منی تصحیحه چالیشلی یز . فضله اوله رق برده ایکی کون پرهیز ایتمک مجبوریتده
قالیرز . هندیلرک یمک فنا برعادتلی ده وارکه ، بمکری اللریله - چاتال ، ییچاق
وقاشیق استعمال ایتمکسزین - اکل ایدرلر . بارماق لری آرمه سنده یاغ لک صو
کپی ط ملا دیغنی کورن یانچی برمسافر ، مذکور اطعمه لرندن برقمه بیله ییه من اولور ،
هاله متعصب مسلمانلر ، بوقدر یاغلی بمکری ییدکدن صوکره اللری
صا بونلده ییقامازلر ، بر آرز صغوق صوابله اللری ییقادقندن صوکره (الحمدلله)
دیهرک ، صاقلارینه سوررلر . صیجاق موسملرده بوکی متعصب وعایی مسلمانلر
یاننده انسان اوطوردیغنی زمان بورنه مطلقا یاغ قوقوسی کلیرکه ، اشمزارلرینی
موجب اولور .

بابانه کزیمک وراموایه یمک عبیدر :

هندستانک اغنیا واکبری نزدنده یایان کزیمک ویاخود تراموایه یمک کلیاً
عبیدر . بویله آدمیره حرمت واعتبار ایتزلر . کافی درجه ده یمکی اولیان برانسان
مطلقا هندستانده آغزندن ، بوغازندن کسوب آت وارییه مصرف ایدر .
زنکینلرک اصطبندنه مطلقا اوچ درت آرابه ایله برقاچ آت بولونقی شرطدر .
هاله ایکی اوچ اوتوموبیله بردن مالک اولانلر چوقدر .

الیسه لریک تمیز لکنه اوقدر اهمیت ویرمدکری حالده ، آت واریه لریک
مکلف اولسنه صوکره درجه رعایت ودقت ایدرلر . ایی آت واریه صاقلامقله

دایما اقتضار ایدرلر . هله بعض نوابلرده اویله چوقوجه سینه خویلو واردرکه ،
انسانک حیرت واستهزاسنی موجب اولور . اومت ، زنکین نوابلر ، صاقلار یله
برابر داملره چیقوب اوچوتمه اوچورورلر ، خروس دوکوشدیررلر .
بیهوده یرده مثلاً الی اوشاق ویکرمی اوتوز آدم معیتلرنده بولندیررلر .
نوابک صوینه ، نارکیله سینه ، پانه ، غزته سینه ، آباک یولنه ، چاینه وقهوه سینه ،
خصوصی ایشلرینه باقائلر هب آیری آیری آدملردر .
نواب اسنه یمک اولورسه ، حضورنده کی اوشاقلردر حال بارماق لری بربرینه
چالغه مجبوردرلر .

بویولده کی سفاهت سایه سنده ثروتی ، وارلقی غائب ایدن نوابلر چوقدر .
اولرینی زنکینجه تفریش ایتمک ، باغچه لری دونا تمق ، وجودلرینه کوزل
قوتو و مجوهر طاقق ، مطمئن ، مدبدب حیات سورمک ایله اسرا رواقات ایدن
نوابلر ، هب حیدر آیدده و حکومت مستقله داخلنده درلر .

برنواب مایحتاجی اولان یمک ایچون ، البسه وسائر سنی کنیدیسی بالذات
تدارک ایتز . مطلقا کیمالریله اوشاقلری طرفندن تدارک ایدیله چکدر . زیرا
چارشویه ، مغازه یه کیدوب آیش ویریشده بولونقی آنلرجه عبیدر .

برنواب قیزی ، کاسب و تاجر آدمه هیچ بر زمان ویرمن . قیزیک قوجه سی
مطلقا - ایسترسه معاشی آیده یارم لیرادن زیاده اولسون - حکومت ماموری
اولمیدر ! کوملکریله یاغله رینی ییقا قوب قوله لاتمی ایچون هندستاندن لوندریه
کوندرن و بوقدر فضله پوسته اجرتی ویرن سفیه نوابلر واردرکه ، انسان بونلره
دلی دیه چکی کلور . فیل بسله مک ، فیله یمک ، فیل ایله اورمانلر ایچنده حیوانات
وحشیه آوینه کیمک هب نوابلرک خصائصنددر . برنوابک قوناغنده ، سراینده ،
جامع ، تیاترو ، بویوک بریاغچه ، متعدد حوضلرله فسقیه لر ، بیلاردو اوطه سی ،
متعدد مکلف صالونلر مطلقا بولنه چکدر .

نوابک خصوصی بر ویا برقاچ طینی ، برایکی اجزایحسی ایله اجزایخانه سی ،
ندیمی ، پالیاجوسی مطلق بولمیدر . اصلیل عائله لره منسوب اولان نوابلرک
کندیلرینه مخصوص علامت فارقه لری بولنور وقوناقلریک اوکندده بکرمی درت
ساعتده بشن دفعه - اوقات خسه ده - نوبت چالیر .

بویله بویوک نوابلرک کندیلرینه مخصوص آرمه لری ده واردر .
حیدر آباد و هندستان نوابلرک چوغنک لقب لری واردر . بولقب لدر درجه
رتبه واصلته کورده در . مثلاً حیدر آباد دکن حاکی اولان ذاتک لقی شونلردر :

۱ فتح جنگ ، نظام الدوله ، نظام الملک ، آصف جاه ، میر عثمان علی خان بهادر]
بوذاتک اسمی یاد ایدیله چکی زمان سطر وعباره آرمه سنده یازلر ، بلکه
کاغذک تا اوستنه یازیلیر . طاقا وقلق حیدر آبادده رسمیاتک ایچنه بیله کیرمشدر !
شیمدیک حیدر آباد حاکنک پدرینه و قیله بریسی برکوزل قناریه قوشی
تقدیم ایدر . نواب حریفه دیرکه ، حیوانه مقابل بدن سنده برحیوان ایسته .
حریف بر فیل ایسترم دیر و برقاچ غروشلق قناریه قوشنه مقابل قیمتی بشیوزانکلیر
ایرانی ایدن بر فیل آلمغه موفق اولور !

ایلروده حیدر آباددن بحث ایدمک صیره ده فارغ لرمک خاطر وخیال لرینه
صیغمز شیرلر ، حکایه لر عرض ایدرم . شیمدیک نوابلره عائد بوقدر لقی معلومات
یتیشیر .

لایبور جماعتی و لایبور ایتنولی :

کانپور جامعنی ، صرف کیفی اوله رق تخریب ایدن انکیزلره قارشوعصیان
ایدن مسلمانلردن یوز آلتش کیشینی حکومت محلیه توقیف ایلمی اوزرینه ،
محبوسین و مجروحین ایله وفات ایدنلرک عائله لری اوزرینه صرف و اتفاق ایدلک
ایچون هندستانک هر طرفنده اعانات جمعنه باشلاندیغنی کبی ، موقوفین مومی الیهی
محکمه ده مدافعه ایدمک اولان مشهور انکیز اوقاتی (مستر قارتون) کونده
بیک روپیه ایله شیمیدین مسلمانلر طرفندن الده و احضار ایدلشدر .

ضرام کعبه جمعیتی :

هندستانده (خدام کعبه جمعیتی) نامیه بویوک بر جمعیت تشکل ایتمک اوزره در .
پروگرام و نظامنامه سی ده درست تحریردر . جمعیتک مرکزی دهلی ده اوله چکدر .

خزینہ اسہامی حقندہ بدن تفصیلات ایستملری اوزرینہ کندیلرینہ معلومات مکملہ اعطا ایلدم . بونک اوزرینہ خزینہ اسہامندن مقدار کلی صاتوب آلمغه وفائضیہ دونامای عثمانی جمعیتہ ترک ایتکک قرار ویردیلرک بوضورتله هم بزه معاونت، همده نائل اجر و مثنوبات اولمش اولسونلر .

حکومت حاضرہ حقندہ ادرنه نیک تکرار ضبط و تسخیرندن سوکره، دکل یالکیز بورادده، عموم هندستانده بویوک بر توجہ و اعتبار حاصل اولمش، هرکس آنلری صمیم قلبدن آلفیشلامقدہ و محافظ اسلامیت عد ایلکده در .

هله عبرلرله تورکرکده آرمسی صوک درجه دوزلدیکندن و هرايکی عنصر نجيبک متحداً اسلامیتی مدافعه و محافظه یه قطعی صورتده قرار ویردکارندن طولای هندستان اهالی اسلامیه سنک فوق العاده محظوظیتلرینی موجب اولمشدر .

صدراعظم سعید حلیم پاشا حضرتلرینک دها و سیاستیله امور اداره دهکی وقوف و تجربه عالیلری همان هر مسلمان طرفندن تقدیر ایلکده و مشارالیهی منجی اسلام تلقی ایتکده درلر .

مدراس علماسندن بری - که، مدراسده عظیم بر نفوذ مالک اولدیفندن طولای حکومت محلیه طرفندن ده کندیسنه (شمس العلماء) لقبی ویرلشدر - بکا سعید حلیم پاشانک عین زمانده یک اوغورلی بر ذات اولدیغی و مشارالیهک زمان صدارتده ملت و دولت عثمانیه نیک فوز و نجاحه نائل اوله جغنی جغرایله نجومندن استخراج و استنباط ایلدیکنی ده سویله دی .

لوندرده خلیل خالد یک افندی حضرتلریله پیدای معارفه ایدن هندستانک طبقه منوره سی، مشارالیه حضرتلرینک بومبای باش شهیندرلکنه تعیین اولمشنندن صوک درجه ممنون و متشکر بولتیورلر .

مدراسده اوقاتلق ایدن بر ذات، بالاده بیان ایلدیکم ضیافت مجلسنده بکا و حضاره خطاباً: «دولت علیه بوسنه هندستانه اک فاضل و دکرلی رجائندن بریسی تعیین ایتمش بو صورتله هند مسلمانلرینی ممنون، ایتکی اونوتاماشلردر» دیدی . مشارالیهک علم و فضیلتیله، اصالت و نجابتنه دائر بوعاجزده حضاره بیلدیکم معلوماتی ویرمکله جملہ سنی دها زیاده ممنون ایتکک چالیشدم .

خلیل خالد یک و قورانه وضعیتله وسعت علم و معلوماتی سایه سنده آز مدت ظرفنده هندستان مسلمانلرینی مقام خلافت اسلامیه ایلہ یکی اداره یه ایصیندیره جفته امینم . انشالله بو سایه ده بر چوق خزینہ اسہامنی ده هند مسلمانلرینہ صانون آلدیرمغه موفق اوله جقدر .

بکا قالیرسه باب عالی، خارجیه نظارتی مشارالیهی دهلی باش شهیندرلکنه تعیین و بومبای شهیندرلکنه ده کنج و فعال بر ذاتی انتخاب ایتلیدر .

نایور جامعہ :

کانپور جامعہک تحریری یوزندن کانپورده حاصل اولان اختلالی تسکین ایلہ اختلالی مسلمانلری انکیزلر بغیر حق قتل، جرح و توقیف ایشکالرینی اولکی مقاله لرمده ایضاح ایلشیدم .

انکیز رجائتک مسلمانلرہ قارشو اتخاذ ایلدیگری حرکات معندانه و عنیفانه یی لوندرده کی انکیز رجال سیاسیه سنے عرض و بیان ایلہ معاملات مذکورہ یی مدنی و سائلطہ پروتستو ایتکک ایچون بو هفته هندستاندن ایکی ذات لوندردہ عزیمت ایتشلردر . ذوات مذکورہ نیک بری هندستان جمعیت عمومیه اسلامیه سنک کاتب خصوصیهی مستر وزیر حسن خان، دیکری ده دهلی ده انکیزجه لسانیه انتشار ایدن (ذی کومرید) غزتہ سنک صاحب و ناشری مستر محمد علی در .

هندستانده کی انکیز مأمورلریله هند مسلمانلرینک ارہلری کانپور جامعہک تحریریهیله مسلمانلری بغیر حق قتل ایتلرندن طولای فنا صورتده آچیلمش و خصومت امارہ و علائمی هندستانک هر طرفنه سرایت ایتکک باشلامشدر .

هندستان مطبوعات اسلامیه سنک بیاناته باقیلیرسه انکیزه اداره سنک کونا کون مظالمندن، جور و تعدیاتندن بزار اولان برچوق زنکین و سرمایہ دار مسلمانلر ممالک عثمانیه نیک حجاز و عراق و اناطولی و لایاتنه هجرت ایتکک قرار ویرمشلردر . بونلر ترک تابعیت ایتدکدن سوکره اراضی و عقار استملاکنه تشبث ایلده جکر مش .

الله ویرده بوسوزلر طوغری چیقسون . بوسیلہ ایلہ مملکت مزہ یکیدن برچوق سرمایہ و ثروت داخل اوله جق و کیت کیده عمران و ترقی یه وسیله تشکیل ایلده جکدر .

بوجمیتک مقصدی کندی اعضا و منسوبینی ایلہ سائر مسلمانلردن حرسنه برقاچ دفعه بارہ طولایمق و مبالغ مذکورہ ایلہ حکومت عثمانیه ایچون عسکر و دوناما حاضرله مقدر . بومعاونت مقابلنده دولت علیه دخی حرمین شریفینی ایدی تجاوز کفاردن دها زیاده صیانت و محافظه ایتکک اسبابی برقات دها فضله استکماله همت ایلده جکدر . اعتقرب کورہ جکرکه، میلیونلرجه خلق بویکی جمعیت مقدسیه اشتراک و انتساب ایتشلر و میلیونلرجه ده بارہ جمعہ موفق اولمشلردر .

هندستان کلنجلرندن مسٹر شوکت علی کچلرده کالکوتہ ده و آله آباد شهرلرندہ بوامنیہ نیک حصولی ایچون برایکی قوفه رانس ویرمش و عمومک تقدیراتنه مظهر اولمشدر .

افغانستانه امیری و عثمانیلر :

افغانستان امیری حضرتلری ده ادرنه نیک تکرار عثمانیلر طرفندن ضبط و استرداد اوزرینہ صوک درجه ممنون اوله رق جناب حقہ تشکرلر ایتمش و کابلده برقاچ کون متادیا اعلان سرور و شادمانی ایلسنی عمومہ امر ایلشدر .

عینی زمانده عثمانیلرک مضایقه مالییه دوچار اولدقلرینی استخبار ایدن امیر مشارالیه حضرتلری بالجله ممالک افغانستانه دن اعانہ درج اولمسنی امر و فرمان بویورمش و بوضورتله دولت و ملت نجیبه عثمانیه یه اولان توجہ و ارتباطی اولکندن زیاده اثبات ایلشلردر .

افغانستانه ترقیات :

امیر حضرتلری غزنین شهرینی یکیدن بنا و تأسیس ایتکک ایستیور . قصبه مذکورہ یی اصول هندسی اوزرینہ اوروپانک بویوک شهرلری حالته قویمق ایستیورلر . برده کابلده الاکن ایشله مکده اولان بکاک ماکنه لرینی بوندن سوکره قوه الکتریکیه ایلہ چورمک ایچون کابل شهرنده برالکتریک دارالصناعه سنک احداثه تشبث ایدرک، یقین زمانده امنیه سنے نائل اوله جقدر .

مدراس قضاسنده بریدہ سرادار غره ی :

آژانس رویترک اشعارتنه نظراً مدراس محکمه عالیہ سی حکامندن مستر (ابراہیم) نام ذات - که شیمدی مأذوناً لوندردہ بولمقدہ در - انکیزه خارجیه نظارتنه کیدوب، ناظر سیر ادوار غره ی ایلہ ادرنه حقندہ اوزون اوزادی یه قونوشمشدر .

مومی ایلہ، ادوار غره ی یه ادله و براہین قطعیہ ایلہ ادرنه نیک عثمانیلرده قالمی محسانندن بحث ایتمش واکر انکیزه بر طرفلنی محافظه ایتیبوده ایشہ مداخله نتیجه سنده عثمانیلر ادرنه دن چیقغه اجبار ایلدیله جک اولورسه، هند مسلمانلرینک ایاغہ قافله جقلرینی انکیزه حکومتنه اعلان عصیان ایلده جکلرینی، بونک مسئولیتک ادوار غره ی یه عائد اوله جغنی کندیسنه سویلشدر . بن، مدراسده ایکن تأسف ایدرمک بوزات بورادہ بولونیور . بونک ایچون کندیسيله کوروشمک نصیب اولدی .

مدراسه شمسکدر :

ادرنه نیک ارتق عثمانیلر التده قاله جفته قناعت کتیرن مدراس مسلمانلری کولنرجه برو شهر آیین و اظهار سرور و شادمانی ایلشلردرلر . بوسیلہ ایلہ مدراس هلال احمر جمعیتی اهالیدن اعانہ طولایمقدہ در .

ادرنه نیک بزدہ قالمی مناسبتیله مدراس شهری (شریفی) [انکیزه حکومت محلیہ سی هر شهر ایچون بر شریف تعیین ایدیورک بوزاتک مخصوص اونیفورمه سی ومعیتی واردر . محاکم جنائیه ده ده هیئت اتہامیه ایلہ (جوری) هیئتک ریاست وظیفه سنی ایفا ایدیور . آیدہ ده سکز بیک غروش - بیک روبیہ - معاشی واردر .] اشراف واعیان اسلامیه دن (خان بہادر عبدالقدوس پادشا) حضرتلری ده قوناقلرینی یک امثالسز بر صورتده الکتریک ضیاسیله تنویر ایتمش و برچوق معتبرانده دعوت ایلشیدی .

عاجزلرینی ده بو وسیله ایلہ لطفاً دعوت ایلدیکی جهتله مدعوین آرمه سنده بر موقع مخصوص اشغال ایدیوردم . موضوع بحث هب عثمانیلرله دولت علیه ایدی .

انکیزلرک جدی بر اداره مأموری اولدقلری اوزاقدن ایشیدن عثمانلیر، هندستانه کله لده کورسلر حیرتدن حیرته دوشه جکلدر .

هندستانده کی قوانین و نظامات هب کاغد اوزرنده قالمش مرکب لکسندن بشقه برشی دکدر . قوانین مذکوره حسن صورتله استعمال ایدلامکده وکیفی، قانونشکنانه معاملات کرکی کبی جاری بولمقده در .

ظلم و تعدینک بو درجه سی هیچ بر یرده جاری دکدر . اهالی بی انواع ویرکولرله سفات درجه سته ایصال ایدن انکیزلر، یرلیرک منافع و آمال مشروعه سی آفاق آلتنه آلفدن ذره قدر چکنمیورلر .

انکیز مأمورلری ایستدکلی کبی سلمه السلام طاورانه قده، هر درلو مظالم و تعدیاتی اجرا ایلکده درلر .

قوانین موضوعه صرف زواللی، پریشان هندلیر ایچوندلر . انکیزلر هرشیدن آزاده و مستثنی بولمقده درلر .

کانپور جامی مسئله سنده محلی متصرفک شهادتنه مراجعت ایتک ایچون کنديسنک محکمه به جلبی طلب ایدن مسلمانلرک قانونی طلبلی محکمه ریاستی طرفندن رد ایدلک صورتیه آجیقدن آجیغه حق و عدالت و قوانین موضوعه آفاق آلتنه النشدلر .

انکیز محاکم عدلیه سنک بنالینک بویوککنه باقوبده آلداناملیدر . ایچنده حق و عدالت نامنه برشی یوقدر . هب ریا و حقیرلق حکمفرمادر .

یرلیر ایستدکلی قدر مقتدر، عقیف اولسونلر، آنلر اصلاً بویوک مأموریتلره تعیین ایدلزلر . اوکی مواقع جلیله و مناصب عالیه صرف انکیزلره مخصوصدر .

یرلینک عین وظیفه سی ایفا ایدن برانکیز آیده یوزلرجه نیرا معاش آلدینی حالده یرلیرلر یوزده برنی بیله ویرمیورلر .

لوندلرک سوراق طاقلری که کندي اکملرینی تدارکدن عاجز بولمیورلر . هندستانه عالی وظیفه و مأموریتلره تلطیف ایدیلرلر . اوراده مدت حیاتلرنده تراموایه بنه جک قدر برباره مالک اوله مدقلری حالده، هندستانه تعیین اولندقدن صوکره اوتوموبیلرله کیزرلر .

مساوات، حریت، عدالت کله لرینک هندستانده یری یوقدر . بومبارک شیلر هندستانه اوغرامامشدر . اوغرامش اولسه بیله انکیزلره منحصر قالمشدر .

خلاصه اوله رق شونی کال جسارتله ادعا ایده بیلیرم که، هندستانک اوچ یوز اوتوز میلیون اهالی سی صرف انکیزلری مسعود یشاعی ایچون یارادلمشدرلر .

انکیزلرک بو مساواتشکنانه و حقیر معامله لرینه مان هرکون خطوه باشنده تصادف ایدلمکده در .

بو حاللردن بیقان، اوصانج کترین هندولر - خصوصیه بنغاله لیلر - بوربقه عبودیتله، زنجیر اسارتی قیرمق ایچون کال غیرت و فعالیتله جالشمقده درلر .

عین زمانده مسلمانلرده انکیزلرک ناهوار معاملاتندن مشتمل اولمغه باشلامشدرلر . انکیزلرک بوسوء سیاستلری اخیراً مسلمانلرله هندولرک اتفاق واتحاد ایتلرینه خدمت ایتمشدر .

کونک برنده که بکافالیرسه بکده اوزاق اولسه کرکدر - هندستانده اوله باختلال باشلاجه جقدر که، پورتکیز و چین انقلابلرینه هیچده بکزمیه جکدر .

حقوق مغضوبه لرله استقلاللرینک اعاده واسترداد ایچون بت پرستلرده اوله بر حسن و خواهش اویانمشدر که، بونک تعریفی غیر قابلدر .

انکیز اداره سی اوله زهرلی حبلرله علاجلره بکزیور که بک مملک اولدینی حالده، خارجه کی یالیزلری انسانک کوزلرینی قالمشدرلر !

هندستان : مدراس

س . م . توفیق

آناطولی مکتوبلری :

برکی

بویاز، تبدیل هوا ایچون برکی ناحیه سنک یا یلاسی اولان بوزطاغه کیتدیکی، بومناسبتله اورا احوانه دائر بعض معلومات ویرمجه کی بوندن برقاچ هفته اول

سویلشدم . برکی و بوزطاغه ایکی آیی قدر بولندیم جهنله حقیقه اورالره عائد . بک جوق معلومات آلدله ایتک ممکن ایدی ؛ لکن بز ، اساساً صاعلام بوجود ابله کیتمه دیکم ایچون بالطبع بویکی شیلر ابله اوقدر اشتغال ایده مدک . انشاالله «سبیل الرشاد» ک آناطولی سیار مخبری عمر فوآد بک ، بوتاریخی بلده حقیقه بزه بک مهم معلومات ویرمجه در . معافیله اوراده قالدیم مدتیجه آلدله ایده بیلیدیکم معلوماتی ده قارئین کرامه شمیدی دن عرض ایده جکم :

بوکون آناطولی ایچلرنده تاریخ قدیم ، علم آثار عتیقه نقطه نظرندن جالب اهمیت اوله قصبه لر ، کویلر وارکه اولردن هیچ بریمز - مع التأسف - خبردار دکلز ! بولوندیغمز بلده نک نه تاریخی بیلورز ، نه ده اوراده یتیشن اعظم اسلافدن خبریمز وار . بویسه برمت ایچون بک حزین ، بک اسفل برحالدر .

برکی ناحیه سی هر نقطه نظرندن جالب اهمیت قصبه لریمز دن بری در . هر فته عائد مؤلفاتیه جهان اسلامده شهرتشار اولان «امام برکوی محمد افندی» حضرتلرینک اوراده مدفون اولسی برکینک زیارتگاه انام اولسنه سبب اولمشدر . حتی آناطولینک برجوق یرلرنده اوله اعتقاد ایدیورلر که : حجه کیدن برکیمسه مطلقاً امام برکوی یزده زیارت ایتله لیدر .

بوچهندن برکی بک اهمیتلی برقصه اولدینی کبی تاریخ نقطه نظرندن ده بک زیاده جالب دقتدر . چونکه اوچ درت بیک سنه لک بربلده قدیمه در . بوقدیم بلده «لیدیا» حکومتی زماننده (دیاسیه رون) نامنی آلمش ایکن «کیخسرو» ک استیلا سندن صوکره فارسلیلر بوشهرک نامنی دیکشدرمشلر ، شهرده اولان یشیلک و نظارته باقهرق - یشیل یاراق معناسنه اولان (برک) ه نسبتله - (برکی) تسمیه ایتشلر . بالآخره رومک عجمه غلبه ایتسی اوزرینه مملکت عجم استیلا سندن قورتیلمش ، اسمی ده (خرستولی) به چورلمشدر .

بوکون لیدیالیرک آثارندن اوله رق شهرده (اسکی حصار) دنیلن قلعه خرابه سیله تحت الارض کیرج دیوار ایله اورولمش لغملر ، حمام ییققلری مشهود اولمقده در . ده صوکره بومملکت روملرده قالمشدر ؛ (۷۰۷) تاریخ هجری سنده امرای سلجوقیه دن آیدین بک اوغلی محمد بک طرفندن فتح اوله رق اوزماندن اعتباراً رایت اسلام آلتنه کچمش ، بونکله برابر اسم قدیمی اولان (برکی) محافظه ایدلمشدر . بوعتبار ایله برکینک فاحشی سلجوقیلر اولمشدر . سلجوقیلر کندي آثارلرندن یادکار اولارق ایکی مدرسه ایله ایکی جامع شریف برافشلردر .

نهایت حکومت سلجوقیه ده خریطه عالمدن سیلنلرک اوزمانلر صیت و غالیتلری آفاق تیره دن عثمانلیر ، سلجوقیلرک حکومت و وارث اولمشدر . ایشته بوتاریخندن اعتباراً بومملکت ده عثمانلی ممالکی آراسنه کیرمشدر .

برکی ، اوده مش قضا سنه مربوط و وده مشه بریجق ساعت مسافه ده در . شمیدی خاطره کلیر که : بویله زیارتگاه امام اولان برقصه به مطلقاً کوزل بر شوسه واردر ، همه حال مکمل آرابلر کیدوب کلکده در . اوت ، غایت منتظم برشوسه واردر . اوقدر که ایکی سنه مقدم ییقلمش اولان برکویری - انتظامنه خلل کتیرمه مک ایچون - حالا یاییلامش ؛ هر نصله بوسنه یاغایه قرار ویرمشلر . آرابلره کلنجه : اوقدر مکمل درلر که ، یاغایه اولارق بر ساعت یکریمی دقیقه ده کیدیلن برکی به بریجق ساعتده واره بیلورلر .

اوده مشدن باشلایان بوشوسه ایله برکی به واریلیرکن اک اول کوزه چاربان - بلده نک اورته سندن کچن ایرمک (جای) فیضیه - بریشیک ، بهاردن نشانه ویرن برنظارت باغچلر ، آغاجلردر . مملکت بویشلرک اورته سنده بولنیور دیمکدر . انسان ، قدرت فاطره نک بخش ایتدیکی بوطیبی منظره یی کورونجه ، بومنظره نک ایچنده کیزلنش اولان بلده نک جنت مثالی بریر اولاجغنی خاطر لیور . فقط نه کزر ! قارشیدن شومناظر فرجبخشایه ، بوکوزل وادی به باقعه طویامیان انسان ، بلده کیردیکی وقت انکسار خیاله اوغرار ؛ اولکی مناظر بدیعیه مقابل شمیدی انقاض کتله لری ایله ملو بر وادی ! خراب ، ویران اولر ؛ قسوت انکیز سو قافلر کورونمکه باشلایور . اولجه اومناظر طبیعیه دن آلمش اولدینی